

Bummelbangg 2025

Ich bi dr Gligge-Doggter als FMH

hüt isch usgrächnet wieder krangg, Schwester Gundula

Vieli Tambuure sind doo, s Wartzimmer isch porzel voll

Und ich verzell Euch jetzt e weneli, vertrauensvoll

Die Erschte Patiänte bitte ah jää, sie

Agfange het dr Daniel mit dr Mäldig, ich ha e Virus im Mage-Darm

So liegt dr erschti Tambuur flach am Morgestraich, dä arm

In Thailand isch jetzt 4 am Morge, seit dr Charly amig Zobe

Denn verschwindet är nochem z'Nacht, im Lohnhof obe

Dr Nägscht Patiänt bitte ah jää, sie

Dr Jügge isch scho glöscht im WhatsApp, jo das wärs

Drum hann ich mir überlegt, mache ich do no e Värs

Denn dr Jügge seit, ich ha dänngt bi Euch, das darfsch

Ich chum in kei Prob, aber ich cha doch dr Sächsilüte- Marsch

Die Nägschte Patiänte bitte ah jää, sie

Dr Aendy seit stolz ich ha das Joor die richtigi Trummle hei gnoo

Am Mittwoch fählt är glich, är isch umgheit me weiss nid wiesoo

Au dr Walti und dr Rooli hänn im Märthof lieber no eine gsoffe

So isch dr letschti Tambuur Markus, no mit 18 Pfiffer gloffe

Dr Nägscht Patiänt bitte ah jää, sie

Beatrice O. het im Gliggehäller e leere Maage

E Gulaschsüppli würd si jetzt grad vertraage

Aber das goot gar nid, schreit Sie noch einere Sekunde

Denn si het kei Fleisch, in däre Mählsuppe gfunde

D näggschte Patiänt bitte ah jää, sie

D'Erika isch wieder fit, und uffs pfiiffe ganz versässe

Au dr Felix findet das toll, und chunnt Zobe immer go ässe

Mit grossem Durscht wartet är, hoffentlich chunnt Erika glyy

Denn proscht, und die zwei sürfle zäme e Liter Wyy

Dr nägscht Patiänt bitte ah jää, sie

Dr Markus als Fasnachtschef, het viel Zyt investiert

Mit dr Cornelia wärde neu Route plant, und diskutiert

Vor dr Fasnacht chöme si fascht nümme zum penne

Mit Stoppuhr und Drummle, gsesch 2 dur Basel renne

Dr näggschte Patiänt bitte ah jää, sie

Doris Brunner seit, bim Finger gseht me bis uff Knoch

Ich glaub Herr Doggter, ich ha dr Finger broche

In dr Betriebsaleitig isch nüd gstande, ihr müend lose

Denn si het nur welle abzieh, di änge Röhrlhose

Dr Nägscht Patiänt bitte ah jää, sie

Die Marschazeig Standarte isch wirgligg gsi, e säge

Es muess niemer noch dr Fasnacht, Stimm go pfläge

Nur Tania seit, soviel gloffe bi ich no nie im Läbe

Sogar d'Schueh hänn sich uffglöst, me het si müesse verchläbe

Dr Nägscht Patiänt bitte ah jää, sie

s Heidi isch umgfalle, aber dangg unsere Spitexfraue isch si wieder zwäg

Mit Wätterglück hämmer zäme gha, schöni Fasnachtstääg

Jetzt wird's Frühlig und wieder Fasnachtsfrei das isch woor

E paar vo Euch gseh ich leider dängg, erscht wieder imene Joor

Dr letschti Patiänt bitte, dr Wartsaal isch jetzt ändlig leer ah jää, sie

Ich bi fertig mit mim Arzt Rapport und Bummelbangg

Ich sag dr Heidi für dä tolli Bummel, unsere Dangg

No, und e schöne Bummelsunntig dä empfhieli

Sali zäme, als Gliggedoggtter FMH und nid als Kaffimyhli